

ASOMA ta bisa ta basta na entrada di músico extranhero

Un peticion a wordo mandá pa Minister pa prohibí actuacion di extranheronan den luna di December en adelante

ORANJESTAD - Despues di a consultá cu abogado ASOMA a dicidí di no contestá SAC ainda riba e hecho cu no ta permití ASOMA organizá ni Tumba Contest, ni Calypso Contest tampoco e aña aki. Algo cu ya caba ta indicá e clase di celebracion cu Carnaval 40 lo tin e aña aki.

Ya caba nos ta na fin di October, mientras cu Carnaval 40 ta start sali oficialmente November 11, pa 11'or di mainta y te awe

no a haya ningun programa ta con e celebracion di 40 aña di carnaval lo bai ta.

Ta ser bisá cu esaki tin tardanza ya cu a enfocá riba e calendario di SAC, pero atrobe esaki ta carga un estigma masha fofo cuné.

ASOMA, kende ta e órgano mayor den e celebracion di Carnaval, ya cu e lo percurá pa e ambiente y e música no a para keto y a canalizá e pasonan indicá den casonan mayor manera esaki.

ASOMA a pidi reunion cu

Minister Rudy Croes cu ta e minister encargá cu peticionnan di artistanan extranhero, cu lo tuma lugar den transcurso di otro siman, na unda ta trece pensamentonan, sugerencia y peticionnan dilanti pa demostrá nan determinacion di no participá den ningun evento, sea esaki ta Tumba of Calypso Contest, si acaso SAC ta organizá esaki.

Tanto fin di aña como Carnaval ta e temporada di mas accion pa músiconan.

Aparte di e produccionnan cu cada músico local ta trece cuné tin diferente eventonan cu ta tuma lugar. Hopi di e eventonan aki cu artistanan internacional cu ya caba ta gebooked cu lo kibra e evento local, consecuentemente cu un biaha mas e músico ta yega na menos placa di entrada, cu ta ocasioná pérdida.

Pa fiestanan di Pasco y Aña Nobo ya caba tin un bista global di loque ta spera e músiconan.

Pa reenforzá e derecho di e músico local un carta fuerte a wordo mandá pa Minister

di Husticia sr. Rudy Croes cu e peticion pa no laga ningun músico extranhero drenta Aruba desde December 1, 1993 te cu Dialuna despues di parada grandi di Carnaval.

E peticion aki tin hopi di haber cu e hecho cu e músico local ta traha hopi produccion di fin di aña cu ta inclui gastonan di studio di grabacion y produccion.

E entrada cu ta ricibí durante e temporada aki ta yuda pa cubri e gastonan aki.

Otro siman ta e siman decisivo pa ASOMA ya cu e último palabra ta na Minister Rudy Croes. □